



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU BOSS – BOSANSKE STRANKE – MIRNES AJANOVIĆ

Broj: 03-07-6-270/16
Sarajevo, 18. 07. 2017. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja BOSS – Bosanske stranke – Mirnes Ajanović za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2015. godinu, utvrđeno je da je BOSS – Bosanska stranka – Mirnes Ajanović prekršila odredbe člana 4. stav (1) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja BOSS – Bosanske stranke – Mirnes Ajanović za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja BOSS – Bosanska stranka – Mirnes Ajanović se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	6,88	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	159.893,95	100,00
8.	Prihodi od propagande (3-g)	0,00	0,00
9.	Ostali prihodi	0,00	0,00
I	Ukupni prihodi (1-9)	159.900,83	100,00
II	Kreditno zaduženje kod banaka	0,00	0,00
	Izvori finansiranja (I+II)	159.900,83	100,00

U finansijskom izvještaju stranka je iskazala rashode u ukupnom iznosu od 161.036,02 KM.

2. PREDSTAVLJANJE POLITIČKE STRANKE

Naziv političke stranke je BOSS – Bosanska stranka – Mirnes Ajanović. Skraćeni naziv je BOSS.

Politička stranka je registrovana kod Višeg suda u Tuzli, Rješenjem broj: R-I-18/94 od 09.05.1994. godine, pod nazivom: Bosanski omladinski savez „BOSS“ Tuzla. Rješenjem Kantonalnog suda u Tuzli od 24.05.2002. godine i Rješenjem Općinskog suda u Tuzli, broj: 032-O-Reg-06-000792 od 08.05.2006. godine, upisana je promjena naziva stranke, tako da novi naziv glasi: BOSS-Bosanska stranka-Mirnes Ajanović.

Sjedište političke stranke je u Tuzli, Kojšino 7.

Ovlašteno lice za zastupanje stranke je Mirnes Ajanović, predsjednik.

Lice ovlašteno za podnošenje finansijskih izvještaja za 2015. godinu je Nedžad Zonić.

Prema podacima iz godišnjeg finansijskog izvještaja za 2015. godinu, BOSS-Bosanska stranka-Mirnes Ajanović ima sljedeću organizacionu strukturu:

- Glavni odbor,
- Regionalni odbor Sarajevo-Goražde i
- 45 općinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj BOSS – Bosanske stranke – Mirnes Ajanović za 2015. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja BOSS – Bosanske stranke – Mirnes Ajanović obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta.

4. PRETHODNE KONTROLE I REVIZIJE

Služba za reviziju je izvršila pregled, kontrolu i reviziju finansijskih izvještaja BOSS – Bosanske stranke – Mirnes Ajanović u periodu od 2004. do 2014. godine, nakon kojih su izdati izvještaji o pregledu i reviziji sa mišljenjem revizora, nalazima i preporukama revizije.

Nakon izvršenog pregleda finansijskog izvještaja za 2014. godinu, izdat je izvještaj o pregledu sa mišljenjem revizora, nalazima i preporukama stranci: da svoja sredstva ne koristi van utvrđenog plana troškova novčanih sredstava, da vodi adekvatne evidencije o svojim prihodima i rashodima i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2015. godinu, utvrđeno je da BOSS – Bosanska stranka – Mirnes Ajanović nije ispoštovala date preporuke.

5. NALAZI I PREPORUKE

5.1. NALAZI

BOSS – Bosanska stranka – Mirnes Ajanović je prekršila odredbe člana 4. stav (1) Zakona o finansiranju političkih stranaka¹.

Finansijska sredstva, koja je ostvarila iz budžeta, politička stranka nije koristila u skladu sa utvrđenim Programom utroška sredstava za 2015. godinu, vršila je nabavku materijala i usluga po cijenama koje su neobičajeno visoke za tržišne uslove, za pružanje iste vrste usluga zaključivala je ugovore i isplaćivala naknade koje se u iznosima drastično razlikuju i vršila je isplate sredstva na osnovu računa čija je vjerodostojnost upitna.

(1) Programom utroška sredstva za 2015. godinu BOSS – Bosanska stranka – Mirnes Ajanović je planirala troškove zakupnine poslovnih prostora u iznosu od 2.100,00 KM.

- Uvidom u poslovne knjige i finansijsku dokumentaciju stranke, utvrđeno je da je pored zakupnine poslovnog prostora u Tuzli koja je isplaćena u iznosu od 2.834,32 KM, isplaćen iznos od

¹ U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

9.600,00 KM, koji nije obuhvaćen programom utroška sredstava. Sredstva su isplaćena na osnovu ugovora o zakupu poslovnog prostora u Sarajevu u ulici Muhameda Hadžijahića broj 10, površine 31 m², uz mjesečnu zakupninu 800,00 KM, koji je politička stranka zaključila sa fizičkim licem Almirom Muharemovićem.

- BOSS – Bosanska stranka – Mirnes Ajanović je pravnom licu A.D.E.-5 d.o.o. Sarajevo, koje je registrovano kao trgovina na malo metalnom robom, bojama i staklom u specijaliziranim prodavnicama isplatila iznos od 2.600,00 KM, po računu broj: 03-A/15 od 29.06.2015. godine kojim su političkoj stranci fakturisane izvedene molersko-farbarske usluge poslovnog prostora u ulici Muhameda Hadžijahića, čija je površina 31 m². Ovakva vrsta usluge je neprimjerena trgovinskoj djelatnosti i neuobičajeno visoka za tržišne uslove.
 - BOSS – Bosanska stranka – Mirnes Ajanović je pravnom licu Rinfuz pak Tuzla, čija je registrovana djelatnost trgovina, isplatila iznos od 2.488,00 KM, po račun broj: 353/2015-01318 od 08.05.2015. godine, na kome je navedeno da su izvršeni farbarsko-molerski poslovi poslovnog prostora stranke u Tuzli. Poslovni prostor čini kancelarijske prostorije površine 98,76 m² i tavanačke prostorije 97,96 m².
- (2) Politička stranka je sa četiri fizička lica zaključila ugovore za zakupu putničkih motornih vozila i isplatila naknade koje se u iznosima drastično razlikuju, iako su predmet zakupa vozila istih ili sličnih karakteristika.
- Sa zakupodavcima vozila iz Tuzle, Muamerom Delićem i Medinom Pilavdžić, ugovorena je zakupnina u iznosu 400,00 KM mjesečno, pa je godišnju zakupninu stranka isplatila u iznosu od 9.200,00 KM.
 - Sa zakupodavcima vozila iz Sarajeva, Harisom Plehom i Rasimom Smajićem, ugovorena je mjesečna zakupnina u iznosu po 1.500,00 KM, pa je stranka svakom od njih isplatila iznos od 18.000,00 KM, odnosno 36.000,00 KM ukupno za oba zakupodavca.
 - Politička stranka je platila popravke tri motorna vozila, iako je u ugovorima o zakupu navedeno samo redovno održavanje. Za popravke i zamjenu dijelova na vozilima stranka je isplatila sredstva po računima: Nipex d.o.o. Tuzla, račun broj: I01-001-97/15-s od 16.01.2015. godine na iznos od 2.728,36 KM, Starline d.o.o. Sarajevo, račun broj: I01-001-512/15-s od 27.08.2015. godine iznos 1.115,67 KM i Porsche Sarajevo, račun broj: 12033501473 od 21.09.2015. godine iznos od 737,36 KM.
- (3) BOSS – Bosanska stranka – Mirnes Ajanović je za servisiranje mobilnog telefona Trgovačkoj radnji Aldymobile Živinice isplatila iznos od 960,00 KM, što značajno premašuje cijenu aparata. Stranka je po računu broj: 03-MP/15 od 23.09.2015. godine isplatila 1.100,00 KM, za servisiranje aparata Samsung galaxy S5 u iznos od 600,00 KM i servisiranje laptopa iznos od 500,00 KM. Po računu broj: 07-MP/15 od 21.12.2015. godine za servis aparata Samsung galaxy S5 stranka je isplatila iznos od 360,00 KM.
- (4) Politička stranka je za obavljanje administrativno-tehničkih poslova i rada na terenu sa članovima stranke, zaključila ugovore o djelu, kojima su naknade za iste poslove ugovorene u drastično različitim iznosima. Tokom 2015. godine po osnovu ugovora o djelu BOSS – Bosanska stranka – Mirnes Ajanović je isplatila iznos od 40.109,33 KM, i to: za obavljanje administrativno-tehničkih poslova i rad na terenu sa članovima stranke kod Regionalnog odbora Sarajevo-Goražde 23.021,68 KM, kod Glavnog odbora stranke u Tuzli 9.010,65 KM i knjigovodstvene usluge 8.078,00 KM.
- Stranka je Haračić Namiru iz Bugojna i Dedić Muameru iz Tuzle za obavljanje administrativno-tehničkih poslova i rad na terenu sa članovima stranke isplaćivala mjesečne naknade u bruto iznosu od 224,42 KM.
 - Naknade po osnovu ugovora o djelu za obavljanje administrativno-tehničkih poslova i rad na terenu sa članovima stranke, zaključenih sa: Ganibegović Riadom, Durić Arminom, Tinjak

Fahrudinom, Bjelak Nerminom stranka je isplatila u mjesečnim bruto iznosima od 1.234,29 KM, odnosno neto iznosima po 1.100,00 KM.

- Naknada Hodžić Hasanu za iste poslove je isplaćena u bruto iznosu od 785,46 KM, odnosno neto iznosu od 700,00 KM.
- (5) BOSS – Bosanska stranka – Mirnes Ajanović je programom utroška sredstava predvidjela advokatske usluge u iznosu od 2.000,00 KM, a ostvarila je i isplatila advokatske usluge Mirnesa Ajanovića, predsjednika stranke u iznosu od 5.100,00 KM i sudske troškove od 880,00 KM. Pregledom poslovne dokumentacije stranke nije utvrđeno kakvu je korist ostvarila BOSS – Bosanska stranka – Mirnes Ajanović od vođenja pravnih sporova za koje je plaćala 840,00 KM po svakom ročištu kod Općinskog suda u Tuzli i Općinskog suda u Sarajevu.
- (6) Uvidom u dokumentaciju BOSS – Bosanska stranka – Mirnes Ajanović utvrđeno je da je politička stranka izvršila isplate sredstava za nabavku promotivnog i kancelarijskog materijala u neuobičajeno velikim količinama i usluge, koje su stranci fakturisala fizička i pravna lica koja nisu registrovana za tu vrstu djelatnosti.
 - Politička stranka je fizičkom licu, Fotokopirnici Lider - Graf čija je vlasnica Damadžić Senija iz Tuzle, isplatila 10.000,00 KM i to: 3.400,00 KM po računu, broj: 1019/15 od 19.11.2015. godine kojim je fakturisano 340 rokovnika po cijeni od 10,00 KM i 6.600,00 KM po računu broj: 1025/15 od 05.12.2015 godine, kojim je fakturisano 3.000 kalendara.
 - Pravnom licu Rinfuz-Pak d.o.o. Tuzla, čija je djelatnost trgovina knjigama, novinama, papirnom robom i pisačim priborom, BOSS – Bosanska stranka – Mirnes Ajanović je isplatila iznos od 23.240,50 KM po računima na kojima je evidentirana isporuka: promotivnog materijala (nekoliko stotina rokovnika), pisačkog pribora (1.300 olovaka), fotokopir papira (175 paketa), desetine tonera, filmova i drugog kancelarijskog materijala, 1.000 osvježivača za auto, kancelarijskog namještaja, te usluge štampe i usluge krećenja poslovnog prostora u Tuzli, i to sve po znatno višim cijenama u odnosu na tržišne uslove.

5.2. PREPORUKE

Preporučuje se BOSS – Bosanskoj stranci – Mirnes Ajanović da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijska sredstva obezbijedena za finansiranje stranke koristiti u skladu sa utvrđenim programom utroška sredstava i***
- ***da preispita vjerodostojnost i ispravnost računa na osnovu kojih vrši isplate sredstava, imajući u vidu da su sredstva iz budžeta izdvojena za finansiranje političke stranke isključivo za ostvarivanje ciljeva utvrđenih programom i statutom stranke.***

Komentar

BOSS – Bosanska stranka – Mirnes Ajanović se u ostavljenom roku očitovala na Preliminarni izvještaj o pregledu godišnjeg finansijskog izvještaja za 2015. godinu. Služba za reviziju je uvažila primjedbe stranke i korigovala nalaze navedene u Preliminarnom izvještaju.

Pomoćnik revizora

Mr.sc. Goran Cicović

Šef Službe za reviziju, revizor

Mr. sc. Hasida Gušić